

Bhagwan Humare Kirttan Me | By Sanjay Chauhan |

Bhagwan humare kirtan mein,
Zara aakar darsh dikha jana,
Teri bhakti ke deewanon par,
Zara aakar prem luta jana.

Kabhi banshi bajate aa jana,
Kabhi dhanush utha ke aa jana,
Tumhare darshan ke pyason ki,
Zara aakar pyaas mita jana.

Tum Sheshnaag se uthkar ke,
Lakshmi maa ko sang lekar ke,
Anjaan bhale hi ban kar ke,
Mandir mein humare aa jana.

Gar raah mein kahin hum kho jaayein,
Humse koi bhool bhi ho jaaye,
Sab hamari bhool bhulakar ke,
Zara apne gale se laga jana.

Chahe bhakti se anjaane hain,
Lekin hum tumhare deewane hain,
Apne in chahne walon ke,
Zara aakar dukhde mita jana.

Bhagwan humare kirtan mein,
Zara aakar darsh dikha jana,
Teri bhakti ke deewanon par,
Zara aakar prem luta jana.

<https://bhaktivandana.com/lyrics/%e0%a4%ad%e0%a4%97%e0%a4%b5%e0%a4%be%e0%a4%a8-%e0%a4%b9%e0%a4%ae%e0%a4%be%e0%a4%b0%e0%a5%87-%e0%a4%95%e0%a5%80%e0%a4%b0%e0%a5%8d%e0%a4%a4%e0%a4%a8-%e0%a4%ae%e0%a5%87%e0%a4%82-by-sanjay-chauhan/>